

## KERATAN AKHBAR



SURAT KHABAR	:	SINAR HARIAN		
TARIKH	:	22/9/2019	MUKA SURAT	: 31
JABATAN	:	PERHILITAN		
KLASIFIKASI	:	<b>PERHATIAN</b>		

# Berjaya pindah gajah jantan

**Perhilitan guna dua gajah denak bantu operasi**

**JERTIH**

**S**ekor gajah jantan liar seberat 2.5 tan yang berkeluaran di kawasan kebun dan ladang di Kampung Keruak, Hulu Besut di sini berjaya dipindahkan dari kampung itu dalam satu operasi oleh Jabatan Perindungan Hirdupan Liar dan Taman Negara (Perhilitan) semalam.

Ketua Pusat Konservasi Gajah Kebangsaan (PKGK) Kuala Gandah,

Mohamad Khairul Adha Mat Amin menangkap kedua gajah berusia 20 tahun yang berjaya ditangkap pada jam 3 petang Selasa lalu itu akan dibawa ke hutan Taman Negara bersempadan Terengganu dan Kelantan.

“Semasa proses memindahkan gajah itu pihak Perhilitan menggunakan khidmat dua ekor gajah denak betina yang bernama Abot dari PKGK Kuala Gandah, Temerloh, Pahang dan Suria dari Pusat Konservasi Gajah Sungai Deka, Hulu Terengganu.

“Abot dan Suria berperanan mengiringi serta mengawal gajah liar itu



FOTO: BERNAMA

Gajah liar jantan (tengah) berjaya dipindahkan dengan bantuan dua ekor gajah denak betina, Suria (kiri) dan Abot (kanan) untuk dipindahkan ke kawasan Taman Negara Kebangsaan di Pahang semalam.

untuk dibawa naik ke atas lori sebelum dibawa keluar dari ipada Kampung

Keruak,” katanya kepada pemberita di Kampung Keruak di sini semalam.

Operasi yang melibatkan 30 anggota Perhilitan itu bermula pada jam 9.30

pagi dan berakhir kira-kira jam 12 tengah hari.

Sementara itu, Pengarah Perhilitan Terengganu, Dr Abdul Malek Mohd Yusof berkata, pihaknya menerima aduan daripada penduduk kampung pada 3 September lalu yang mendakwa kemunculan gajah liar di kebun dan ladang di situ telah menimbulkan ketakutan kepada penduduk untuk menjalankan kerja harian mereka.

“Walaupun kami telah menghalau gajah itu sebelum ini, ia tidak lari ke hutan dan sebab itu pihak Perhilitan kemudiannya mengambil tindakan menangkap haiwan berkenaan,” katanya. *Bernama*